



**Marijana Đotlo** , 05.03.1992. - Bakalaureat/Bachelor ekonomije – smjer Menadžment računovodstva i revizije

Nakon završenog srednjoškolskog obrazovanja i dugog razmišljanja gdje, šta, kako i koji studij odabrati po nagovoru mojih roditelja, koji su bili i najveća podrška u tome, moja konačna odluka je bila Sveučilište/Univerzitet "VITEZ".

I evo, nakon nešto više od četiri godine od stjecanja zvanja Bachelora ekonomije, uvidjela sam da je to bila najispravnija odluka.

Samo nešto više od mjesec dana nakon diplomiranja dobila sam priliku za posao u austrijskoj grupaciji Viena Insurance Group. Moram priznati da je to za mene bilo nešto veliko, da su baš mene odabrali od svih ljudi, bio je to veliki izazov ali i satisfakcija za takvog jednog giganta koji upošljava 25.000 ljudi u 50 zemalja Europe.

U samim počecima moga rada bila sam raspoređena na poziciju savjetnika osiguranja. Moram

Priznati da je to značajno utjecalo na moje daljnje uspjehe. Rad s ljudima me oduvijek privlačio, a danas je sastavni dio moga života i moj posao. Moj angažman u Viena Insurance Group trajao je nešto duže od dvije godine gdje sam se usavršavala na neki europski način i rad po europskim standardima.

Sredinom 2016. godine dobila sam veoma izazovnu ponudu da radim za domaću bosanskohercegovačku kompaniju, koja je bila u samome razvoju. Kako sam osoba nemirnog duha i uvijek želim nešto novo i drugačije prihvatila sam ponudu.

I evo, danas sam uposlenik Central osiguranja d.d. Sarajevo, raspoređena na malo drugačijoj poziciji nego u prethodnog kompaniji, obnašam funkciju Stručnog saradnika za razvoj i podršku kompanije, najviše baziranoj na Specijalistu za imovinska osiguranja. Velika je satisfakcija biti dio velikih početaka, velikih uspjeha kako kompanije tako i mene.

Kako uvijek volim nešto novo, neke nove izazove, plan za blisku budućnost mi je nastaviti školovanje negdje u Europi i možda se okušati u nekom svom inovativnom biznisu.

Svim budućim studentima toplo preporučujem da pomno biraju fakultete i izaberu onaj koji će im pružiti mnogo praktičnog znanja te da se uključe u što više projekata gdje će steći znanja i vještine koje će ih svakako pripremiti za izazove koje tržište rada potražuje.